

DISSERTATIO INAUGURALIS MEDICA

Complectens

THESES MEDICAS THEORETICO - PRACTICAS

è

I. Aphorism. i. Hippocratis.

deductas

Quas

RECTORE MAGNIFICENTISSIMO,

SERENISSIMO PRINCIPE AC DOMINO,

DN. FRIDERICO WILHELMO,

PRINCIPE BORVSSIÆ, MARCHIONE BRANDENBURGICO, RELIQUA;

GRATIOSO FACULTATIS MEDICÆ CONSENSU,

PRÆSIDE

DN. GEORGIO ERNESTO STAHL,

CONSIL. AUL. ET ARCHIAT. REG. MED. ET RER. NATU-

RAL. PROFESSORE PUBL. ORDIN. ACAD. NAT. CUR. COLLEG.

LONGE DIGNISSIMO,

ORDINIS MEDICI h. t. DECANO.

DN. PATRONO, PRÆCEPTORE, AC PROMOTORE SUO

omni Observantia atque Honoris cultu et atem colendo,

PRO GRADU DOCTORIS,

Summisque in Arte Medica Honoribus, Insignibus, ac Privilegiis

Solenni obtinendis more Majorum

Ad d. April. MDCCXIV. horis ante & pomeridianis

IN AUDITORIO MAJORI

Placide Philiatorum ventilationi proponit

JOHAN. THEOPH. Schwarzk!

Poson-Hungarus,

HALÆ MAGDEBURGICÆ,

Literis CHRISTIANI HENCKELII, Acad. Typogr.

DEO
ET
PROXIMO
SACRUM.



B. C. D.

PROOEMIUM.



Ntiqua utique est VERITAS; nempe ab ipsis rerum primordiis, in naturam rerum indita atque reposita: quin etiam à feris jam ævis, ab iis qui mentis acie illam perspicere cordi habuerunt, de tempore in tempus intellecta atque detecta. Quæ ipsa, sicuti rerum creatarum indoli constanter inhæret, ita etiam quolibet tempore, tam in se, quàm in mente atque intellectu solertium scrutatorum, nonnisi una eademque, esse & manere potuit. Unde rectè Philosophus, *Opinionum Commenta*, inquit, *delet dies, naturæ judicia confirmat*. Veritas porrò, uti una semper est, ita simplex etiam, & hòc ipsò in plano posita atque evidens; imprimis si justâ methodò atque debitò progressu, quælibet veritas per se, vestigetur, & tunc demum nexus plurium inter se invicem, observetur. Dum ex adverso, opiniones fluxæ, in eo à scopo aberrant, quod plurium inter se cohærentium

veritatum, *ordinem* atque *nexum* legitimum non attendendo, vel præposterè incedunt: vel singularum necessitudines aliò detorquent, & quod unius est, alteri assignando, & ipsarum rerum, & iusti harum ordinis atque nexus confusionem committunt. In Medicis rebus, iustissimam laudem promeritus est sine dubio Hippocrates; dum multa & in se vera, & eximiis usibus idonea, non solum suis, sed etiam Posteritatis usibus, collegit, atque connotavit. Dum autem, non minus laudabili instituto, nervosâ brevitate uti consuevit; nempe rectè agnoscens, quod post eum Poëta expressit: *ornari res vera vetat, contenta doceri*: potuit ita fieri, ut ab illa simplicis veritatis via, ad superfluam curiositatem evagando, non tam ubique nuda Veritas, quàm fluctuantium speculationum & opinionum ambages, aut planè devia, calcarentur. Quibus rebus ingens pondus adjecit alius error, quod verè ab Hippocrate dicta, non solum pro veritate solida, sed etiam unica atque tota, ita declararentur, ut non solum quæcunque Hippocrates dixit vera haberentur: sed etiam, quæcunque ipse non dixisset, pro non veris, nec propterea dicendis, æstimarentur: adeò, ut non solum nihil detrahi ejus assertis æquum censeretur: sed etiam aliquid illis addi, nefas duceretur. Quâ, in re, propioris ætatis polypragmosyne scandalum præbuit etiam jam senescentibus, & reliquo non illaudabili studio antiqua complexis, ut, quod isti faciunt passim, si quid quantumcunque verum, imò speciosum solum, ostendatur, cujus non tam mentio apud Hippocratem facta sit, quàm formula aliqua loquendi usurpata, quæ

in

in eum sensum flecti posse videatur ; mox totam rem ab Hippocrate ita traditam , imò tractatam , non tam testentur quàm protestentur, ut vel ad plagium manifestarium conclament , si res illa non disertè ad Hippocratem Autorem referatur. Ineptè certè; vel ex eo, quod in exponenda veritate, absurdè disceptetur, quis dixerit: dummodò, quid dicatur, verum sit , seu quod dicitur, veritate nitatur. Imprimis autem injuria fit Hippocrati, si opiniones ejus, quas circa Ætiologiam, tam physiologicam, quàm pathologicam, hinc inde adduxit, veritatis intuitu, eòdem locò habeantur, quem observationes ejus, magis simpliciter Historicæ , meliore jure tuentur. Imò vel ipsæ hæ, Historicæ, inquam , ejus annotationes, tali ausu , in opprobrium Autoris detorquerentur; dum illud claræ luci expositum est, quod Hippocrates, neque methodò aliquâ justâ, res plerasque pro dignitate ipsarum deduxerit : nec etiam in agendo censu, atque constituenda tribu, variorum affectuum , illam solertiam impleverit, quæ intempestivis talibus protestationibus, temerè illi quærirur. Quemadmodum autem, apud omnes æquos arbitros, justissimæ laudi Hippocratis nihil quicquam detrahit, si illa , quæ primus solertissimè conquirit, non statim ad supremum fastigium & perfectionis culmen perducere potuerit ; sed gloria certè præstantissimi cœpti , firma ipsi manet, quod primus, ut habet proverbium, glaciem fregerit, & viam Posteris præiverit : Ita præpostera illa, non tam veneratione optimi senis, quàm admiratione, nihil certè aliud agitur, quàm ut omne illud, quicquid i-

ipse non absolutum dare potuit, nunquam in ulterius promoveatur; & nunquam ad altiore perfectionis gradum deducatur. Cum autem hujus rei culpam à se satis jam amolitus sit, ipse Divus senex; præstat certè, & ejus honori hac in parte consulere, & rebus ipsis utilibus imò necessariis, bonam operam navare: quàm contrariâ viâ incedendo, utrique scopo malè prospiciendi occasionem arripere. Ne ulteriore prolixitate abutamur, faciemus potius periculum, omnium harum rerum specimen aliquod exhibendo, & Hippocrati honorem suum asserendi, & ipsi Veritati consulendi. Placet itaque ex ipsius Hippocratis *Aphorismorum* ipsò primò, THESESES aliquot elicere, quibus non pauca, ad intellectum atque usum artis pertinentia, declarari possint. Quod quidem publicum INAUGURALE SPECIMEN nobis constituere, ob ipsius rei amplitudinem, non dubitavimus,

Faxit Divina Sapiencia atque Clementia, ut omnia & Veritatem, & utililitatem optatam, assequantur.

Th. I.

VITA BREVIS ARS LONGA; tempus præceps: experimentum periculosum: judicium difficile. Oportet autem non solum seipsum exhibere facientem quæ decet; sed etiam ægrotum, & præsentem, & quæ extrinsecus obtingunt. Hic est *primus* ille *Aphorismus*, quem non tam explicandum latius, quàm applicandum, cum Deo, nobis sumimus.

II.

Quamvis autem nonnisi *una* sit Veritas, nihil tamen
pro-

prohibet *foecundam* esse; non solum *numero*, multoties, & velut in immensum, recurrente: sed omnino respectu *generico* ad plures *species* constituendas. Manifestat se hæc res in *Aphorismi* hujus, præsertim autem *priorum* ejus *propositionum*, applicatione, ad plures scopos quadrante. Ita enim, primò, in *genere*, & absolutò sensu, quasi *per se* verum est, *Vitam* humanam esse *brevem*. Id quod tantò magis elucescit, si vitæ humanæ verus *ambitus*, quo per universalem experientiam circumscribitur, æstimetur; nempe *octoginta* ad *nonaginta* anni; Qui nempe complexus, ad *brutorum* quorundam, tantò magis autem *arborum*, vitalitatem collatus, omnino brevitatem involvit. Si verò etiam, ulterius, *vivax* atque *vivida* ratio, strictè dictæ *Vitæ*, expendatur, facile erit intelligere, quod limites vitæ adhuc arctioribus cancellis circumscribantur; dum vera *vivida*, *vegeta*, atque *alacris*, struendi atque sustentandi corpus humanum *energia*, non ultra *quingagesimum* annum adscendit: sed solum in illa periodo velut *acquiescit*, imò potius sensibilibiter *fatiscit*. Unde notum satis est, quod non solum verum *accrementum* atque *incrementum* corporis, post hanc ætatis periodum *senescat*; ita ut v. g. *solidarum* partium læsiones, ab illa ætate in ulterius, vix eadem facilitate reparentur & consolidentur, quam in multò junioribus adhuc ætatis progressibus: verum etiam totus *vigor*, *virium* atque *roboris* corporis, flaccescat potius atque fatiscat: quàm ut *consistentis* virilis ætatis tenorem servet, nedum superet. Cujus rei manifestum documentum exhibet, ipsius *vividi toni* partium mollium externarum, faciei atque manuum, *flaccescens* remissio, in *rugas* magis magisque subsidens.

III.

Imò verò, cum mox appariturum sit, quod *Hippocrates*, ipsò præsentem nostrò locò, *brevitatem vitæ* peculiari respectu, nempe in comparatione, ad *longitudinem Artis*, imprimis comparet atque conferat; non est de nihilo, etiam hanc

hanc *brevitatis* vitæ conditionem, & ejus veritatem, rectè æstimare. Quamvis enim *Vita*, propriò atque strictò sensu, ad *corporis conservationem* eminenter pertineat atque referenda sit; debet hoc tamen dari, vulgò *usitatæ* acceptioni vitæ, ut etiam *vivida* illa energia atque alacritas ipsius *animi*, vitæ velut efficacix, energix, & *activitati*, accenseatur. Tantò magis, cum nullò modò negligendum negari, possit aut debeat, quod Vitâ, strictò sensu acceptâ, quatenus corporis conservationem directè respicit, quàm rectissimè constitutâ, fiente, atque vigente, etiam *animi* ipsius, *activitas*, *alacritas*, atque totus *vigor*, tantò certius atque firmitus sibi constet: adeoque ipse *intellectus*, & promptius atque alacrius exerceatur, & *tranquillius* actiones suas prosequatur atque exequatur. Cum ex adverso, *corporis* Vita, & actiones ad hujus securam conservationem pertinentes, gravius *turbatæ*, *impeditæ*, aut *violatæ*, etiam ipsius *animi* vigori, notissimas *debilitationes* objiciant. Quod non solum ex eo dilucescit, quod ægri ad acriores *pensitationes*, manifestò minus habiles existant, iisque nullâ comparatione ad sanum corporis statum, sufficiant: sed omnino etiam, laborante & *periclitante*, *Vitæ* strictè dictæ, nempe conservationis corporis negotiò, langvor *animi*, inseparabilis comes accedat; *fastidia*, *tacita sollicitudo* & *meticulositas*, *vigiliæ*, *sensibilitas* major, imò *impatientia*, quin *anxiæ*, aut ad minimum *turbidæ*, *phantasiæ*, ad minimum per *somnia*, notissimis & perpetuis exemplis, sese exerant.

IV.

Imò hæc ipsa res redundat adeò in *brevitatem* vitæ, quatenus illa *longitudini Artis* opponitur; nempe in defectum *intellectus*, ad longam artem fatis exhaustiendam: ut neminem fugiat, etiam hujus ipsius, intellectus, inquam, acris atque alacris, decrementum, cum corporis vitalibus viribus fatiscientibus increbescens. Quamvis enim, sanò sensu, non reprobanda sit antiqua illa *Senii* laus, quod *mens*,

& ratio, & consilium, in Senibus sit: facile tamen etiam est intelligere, quod hoc elogium magis fundatum sit super longa *experientia*, & per multum *exercitium promptitudi- ne*, intelligendi atque consulendi: Quam super *alacritate*, & *vivida activitate*, & *solertia*, præcipuè in ulterius prove- hendi, & velut exacuandi, intellectus. Unde potius, hōc intuitu, ejusdem veritatis est, *opprobrium* illud Senectutis, quod hæc ipsa *morbus* quasi sit; *langvoribus fastidiis*, *quieti*, propior, & in hæc pronior: quàm ut *gestiat*, aut *satagat*, intellectum variis ulterioribus incrementis impendere, ad- movere, & adhibere. Ut adeò omnibus modis, *brevitas vitæ*, quocunque tandem sensu sumtæ, omnino sese etiam extendat, ad brevitatem *vividæ* illius *energix*, ipsius *animi*; quæ ad longas & prolixas artes exhauriendas, vel propen- sa, vel sufficienter adhuc idonea, sit.

V.

Deinde, *secundò locò*, vera est hæc Hippocratica asser- tio, de *brevitate vitæ*, ad longitudinem artis comparanda, etiam *altero*, nempe illo, sensu: quod *pericula vitali* con- servationi corporis impendentia, non eminentiora tantum, sed omnino pleraque, ejus omnino sint indolis atque effica- ciæ, ut directæ *artis* præsidia atque subsidia, proportionem hanc non assequantur; sed reverà jam longè *tardius* & *lan- gvidius* incedant; & hōc ipsò impeditum & difficiliorem, effectum & eventum involvant.

VI.

Cum enim corpus animale, tali *mixture*, quin ipsâ *tex- turâ* & *structurâ*, affectum sit, quæ non solum variè, sed et- iam facilè, violari possit; impendet certè inde ipsi *vitæ*, *brevitas* talis, ut damna hujusmodi promptius invalescere pos- sint, quàm ut *artis* subsidia, necessitatibus talibus satis tem- pestivè occupandis, aut in solidum expugnandis, sufficiant. Unde multis cāsibus suprâ *potestatem Artis* est, irruentes *corruptiones* penitus expugnare, & integritatem corporis

simpliciter factum atque rectam præstare. Ut hæc subinde felicitati suæ tribuere debeat, si solum impedire possit, & minus intercedere, ne labes talis *latius* grassetur, & adhuc *ampliora*, imò *majora*, damna inferat. Id quod in mutuis imprimis, partium Solidescantium unà cum fluidis, corruptelis, manifestò dilucescit. Ita ut etiam hoc intuitu, veritatis omnimodè compos sit hoc *Hippocratis* effatum, quod *Vita brevis, & præcepta, Ars autem longa, languida, atque tarda* sit.

§. VII.

Evidentissimum autem propemodum est, quod Hippocrates totò hoc *Aphorismo*, omnibus ejus propositionibus *simul* sumtis, & justæ suæ *connexioni* relictis & servatis, animum direxerit, ad *ediscendæ & perfectè comprehendendæ, Artis Medicæ difficultates*. Adeò, ut *brevitatem* vitæ humanæ, & periodum benè exercitæ, & insuper alacris & indefessæ, rationalis contemplationis, solertiæ, & pleni atque firmi intellectus, *longitudini* atque *amplitudini* artis ita opponat, ut *brevitatem* vitæ unius hominis, huic vix satis quadrare, indicare voluerit.

VIII.

Quæ res, uti multâ explicatione aut illustratione non indigere videtur ; ita venit tamen circa eam adhuc illud notandum, quod Hippocrates, qua erat scientia, atque prudentia, hæc ipsâ confessione, non magis sincera, quàm modestâ, sibi ipsi, suisque cœptis atque ausibus, apud Posteritatem, consulere in animo habuerit : & hoc ipso, non solum inconditas illas, sed omnino etiam ignavas, *laudationes*, & parva literarum methathesi *adulationes*, præoccupare studuerit, ac si ipse, dogmatibus suis atque lucubrationibus, universum Artis latifundium & profundum, ita penitus exhausserit, ut nihil jam amplius Posteris restet, quam ut à se dicta atque tradita, memoriter tantum ediscant : nec ipsi quoque potius necesse habeant, *longitudinem* atque *amplius*.

plitudinem Artis, ita ante oculos habere, ut pro virili, non solum excolere eandem, nedum, recolere tantum, sed colere potius, & profundius scrutari atque rimari, necesse habeant. Adeoque sibi etiam dictum putent quanto *brevior* sit vita humana, ad diffusam *longitudinem* Artis comparata; Tantò majore opus sit animi præsentia atque applicatione, ad hoc agendum, quod pro scopo sibi præfixerint; nempe insistendum, invigilandum, imò insudandum, huic *ægypto*, quo & quilibet pro se, Artem rectè perspectam sibi reddat, & omnia in commune consulat atque conferat, ut illa magis magisque pervestigata atque illustrata tandem eò locò constitutur, ut & rectè intelligi possit, quousque *potestas* ejus se verè extendat: & tam discipulis, planior atque expeditior via, hac ratione pandatur: & cuilibet Artis exercitium aggresso, in expedito esse possit verus atque constans ejus usus.

IX.

Considerata hæc ratione *Vite brevitate*, de *Artis longitudine* dispicere proximum fuerit. Tetigimus quidem jam aliqua hoc negotium respicientia; erit autem commodum, ea ipsa pluribus adhuc, declarare, aut illustrare. De *Arte Medica* Sermonem esse, uti nemo dubitaverit; ita duplici intuitu æstimandam hanc esse, nihilò magis dubium esse potest; nempe vel secundum *scientiam* sui dogmaticam, vel secundum usum & *administrationem* sui practicam. *Scientia* ejus, ut aliunde colligi & coagmentari non potest, nisi ab ipsa *experientia*; ita tantò major ratio, & prudentior æstimatio *experientia*, necessaria utique est, ne quid in hac etiam parte, vel negligenter, vel insufficienter, vel præposterè, fiat atque assumatur aut applicetur.

X.

Quocunque interim horum etiam respectuum, *longam* esse Artem, nemò diffitebitur; interim illud tamen certo certius est, quod hæc difficultates neminem magis premant, quam talem virum, qui *totam* hanc rem *solus* aggredi in ani-

inducat: aut primus tale quid ausus fuerit. Id quod *Hippocrati* evenisse, vix quisquam est, qui dubitet. Quamlibet enim ille habuerit ante se, quos ille jam *Priscos* appellat Medicos; & *priscae Medicinæ* aliqua monumenta: tot tamen talia, nedum *illa ipsa*, ea fuisse, quæcunque *Hippocrates* ipse conscripta reliquit, ne suspicio quidem iusta, nedum fides aliqua, locum habuerit. Id quod tam *Epidemicorum*, quam *Coacarum Prænotionum*, libri, non solum testatum reddunt; sed etiam sententiæ, partim eadem, partim conformes, reliquis etiam ejus scriptis insertæ, affatim declarant, quod ipse potius plerorumque horum scriptorum Autor extiterit, quàm nudus collector & transcriptor.

XI.

Imò verò, quantacunque etiam ab Antecessoribus suis, aut è *votivis tabellis*, quas in *Æsculapii Fano* suspensas, descripsisse perhibetur, ad ipsum pervenire potuerit; illud tamen imprimis cordi habuisse, satis idoneis argumentis intelligitur, ut propria etiam experientiæ observatione, convenientiam eorum cum veritate deprehendere, operam dederit. In quo studio fieri non potuit, quin ipse etiam passim, non solum *plura* numero, sed etiam *nova* specie, animadvertit, quibus monumenta sua locupletaverit.

XII.

Quamvis autem peculiari Fatorum bonitate hoc evenisse *Hippocrati* videtur, ut etiam *occasionem* fatis uberem adeptus sit, solertiam hanc suam laudabilem in effectum felicem deducendi, dum non solum probabile, sed passim etiam notorium est, quod multi Medicæ Arti additi, per Praxeos copiosioris & foecundioris defectum, exoptatum operæ pretium non assequantur, in eruenda solida veritate, tam *historiæ* ipsius morborum, quam *diagnoseos* per ipsum exercitium excolendæ: Ita facile tamen est comprehendere, quod quantalibet ejusmodi subsidia externa, fundum negotii minimè exhauriant, nisi cum *assidui-*
tate

sate & solertia, etiam *judicii sagacitas*, amicò foedere conspiraret. Unde summò utique jure, in ipsa sua *Lege*, *Hippocrates*, exigit prorsus & requirit, τὴν Φύσιν; *indolem*, & *nativam* quasi acris & sagacis *ingenii* dexteritatem, pro eo, qui artis scrutinio, perceptioni, atque justo intellectui, animum adjicere suscepèrit.

XIII.

Quàm *longum* autem hoc passim sit priusquam hæc requisita, idonei *ingenii*, & faventis *occasionis*, concursus, unì eidemque subjecto obtingat, uti meritò quæritur; ita si etiam hoc evenerit, *longitudinem* tamen *Artis*, & *brevitatem* vitæ huic ex altera lance appensam, illud adhuc ostendit, quod hæc bonæ indolis dispositio, ad effectum & habitum, firmum nempe & bene compositum *judicium*, vix ante ævi humani *medium*, pertingant: quin vel levitas juvenilis, assiduitatem atque continuitatem hujus studii in diversum distrahat; vel multitudo occupationum, à legitimis progressibus animos avertat & deflectat.

XIV.

Conspiciuæ huic difficultatì, *Artis*, *amplitudini*, atque *longitudini*, Duo subveniunt *subsidia*, magni æstimanda, & proinde omni studio conquirenda: *Primum* horum, est bona *methodus*; quâ illa quæ ab ipso *Hippocrate*, & aliis post ipsum, solertibus indagatoribus, Posteritatis usibus consecrata sunt, etiam in eum *ordinem* digerantur, ut velut uno conspectu, atque justo nexu, non solum animo comprehendendi, sed imprimi etiam, & firmiter ob oculos retineri, possint. Quâ in re *Hippocratem*, omnem paginam absolvere non potuisse, ut nemò prudens inficiabitur; ita nemo æquus arbiter indignabitur: cum utique *longitudo* *Artis*, etiam hic ita emineat, ut non solum tanquam *de integro* investigare omnia, conquerere, & colligere, sed etiam eadem in *ordinem* commodissimum digerere, si quidem ab ullo hominum expectari possit, certè peculiari prorsus optimæ indolis

lis & ingenii prærogativâ, unum inter multa in illa, instructum esse oportuerit. Tantò magis, cum distributio atque digestio *methodica*, tale omnino sit negotium, quod ad peculiaris exercitationis disciplinam respiciat: qualem *Hippocratis* temporibus, non inusitatam solum fuisse, satis certum inauditam etiam propemodum fuisse, satis probabile est. Interim monstro utique simile foret, si tam longa Posterorum, inde ab *Hippocrate*, successione, difficultas hæc non emendata esset; impetratis utique, à longis jam temporibus, melioribus subsidiis philosophicis, tam *analyticis* quam *Syntheticis*: unde hæc *Hippocratis* querela, pariter ut ejus tempore, æquum locum hodie amplius non invenit; & est etiam multum certè de hoc gravamine detractum atque emendatum: an autem nihil amplius vel potuerit fieri, vel hodieque debeat, problematis dignitate non caret, cujus interim solutionem, cujuslibet solertis arbitri æquo judicio, non solum relinquimus, sed etiam seriò commendamus.

XV.

Illud autem dignum esset, si quid his expediri potius, quàm expeti posset, omnibus votis, ut huic negotio, in bonam *methodum* digerendæ, tam *Hippocraticæ*, quàm universæ medicinæ, animum & industriam illi maximè adhibuissent, & perpetuò adhiberent, qui reverà *possunt*, & harum rerum scientia atque peritia juxta *pollent*: illi verò abstinuissent, qui non *possunt*, neque *pollent*. Sed perversus rerum humanarum fluxus atque casus, turbat communiter ordinem; ut qui *possent*, non *velint*, aut impediantur: qui *vellent*, non *possint*, & deficient.

XVI.

Redacta verò in bonum ordinem atque *methodum*, monumenta & præcepta medica, quantum rescindere possint de *longitudine* Artis, vix quisquam tam lippus fuerit atque hebes, quin satis perspicere valeat. Unde certè absurda est, imò stolidâ, imprudentis hominum vulgi illa phantasia, quasi qui-

si quilibet Medicinæ novus sectator, *propriam experientiam*, ægrorum periculo & dispendio, de integro conquirere necesse habeat. Dum tota hæc difficultas, sola illa, modo rectè observata, *methodo*, facile evanescit, si novitius talis Practicæ Medicinæ sectator, post legitimam *Pragmaticam Theoriam*, seu rationalem scientiam, *experientiæ* in eo litaverit, ut veram atque solidam *Historiam morborum* pro horum firma *Diagnosi*, studiosè sibi acquisiverit: & *experientiæ pharmaceutico-therapeuticae, selectum*, fideliter doctus sit. Ita enim nulla subest ratio, quamobrem ille in ægris potius *discere* demum necesse habeat, quam mox *intelligere* possit; & non tam cæco *tentamine* experiri, quàm prudente usu *exercere*, Artis & remediorum potestatem.

XVII.

Alterum autem subsidium, ut ab *Hippocrate* minimè neglectum aut desertum est, ita, sepositis inutilibus votis de præterito, postulat certè, imò flagitat magis magisque & melius, in suppetias advocari. Rectè certè *Hippocrates*, *Naturas esse morborum medicatrices*, prædicavit atque inculcavit. Quantum in hac animadversione rectè comprehensa, *longitudini* Artis rescindendæ sit subsidium, mereretur certè longe prolixius enucleari atque declarari, quam detritæ illæ penitus palæ, quibus semper de novo tritrandis, tantum laboris, temporis, verborum, & chartarum impendere, perversi mores ferunt.

XVIII.

Hic enim reconditi jacent thesauri illi, *abbreviandæ*, & justis limitibus circumscribendæ, artis, sine quibus illa, non solum in liberum atque vacuum, sed imensum spatium, temerè evagatur, labitur, imò præceps ruit: & non modò spera atque rem, sed seipsam perdit, ac destituit.

XIX.

Ad hos cancellos, & sub hunc titulum, reducendæ veniunt numerosæ illæ Hippocratis *Prognoses* atque *περὶ ὁρίων*,
αἰς,

cas, de eventibus, partim salutaribus criticis, partim infau-
stis Symptomaticis, partim mediis atque dubiis, imprimis
acutorum variorum, affectuum. Circa quos illud solum, ut
 ab *Hippocrate* non satis abundè observatum, ita tantò magis
 ab aliis observandum, restat, ut non solum *peculiares* tales,
 & *minus perpetuos*, eventus, externis signis & productis
 conspicuos, tanquam *solos* & seorsim, consignent atque no-
 tent: sed in genere etiam illud, quicquid morbis, dum innu-
 meris exemplis *spon te Naturæ*, sine Artibus *externis*, sive
salutariter, sive *funestè*, decedunt, imprimis tamen in prio-
 re casu, *perpetuum* potius sit, fiat, & eveniat.

XX.

Ita enim *duplex* commodum, extra omne *dubium*, re-
 dundaturum esset in ipsam Artem; nempe primò, ut *in ge-*
nere, semper ante oculos habere meminisset, *concursum* hunc
 ipsius *naturæ*, seu *activitatis* illius *vitalis*, quæ etiam in ipsis
 adhuc tranquillioribus rebus, quam sanitatem vocamus, ta-
 men *indefinenter*, non alia, quàm tali verè *therapeuticâ* ra-
 tione atque methodo, conservationi corporis invigilat,
 ejusque fatagit.

XXI.

Secundò, ut etiam jam magis *in specie*, discat atque com-
 prehendat, *vias* atque *methodos*, jam magis *particulares*,
 quibus Natura, pro varietate morborum, quàm maximè uti-
 tur. Ut nempe ita verum nervum atque usum compre-
 hendat assertionis illius, quæ sine debita circumspectione,
 vix ultra dicterii existimationem ascendit, quod *Natura ni-*
hil faciat frustra. Quod ipsum tamen, sicut aliàs in natura
sibi relicta, sinceræ Veritatis est; *sensuum* tantum *lenocinio*,
 & malis *assuetudinibus*, hæreditariis, aut per scandalum su-
 scepris, in diversum hic abeuntibus atque trahentibus: ita
 eximiè certè valet in tali constitutione, ubi per inductam ali-
 quam necessitatem, natura adigitur, ut usitatas illas suas *ordi-*
narias curas, atque assiduitates *activas*, *extra ordinem*, nem-
 pe

pe ad præsentis necessitatis proportionem, *augeat* ac intendat. Ubi magni iterum momenti erit, admonitio illa *Hippocratica*: quod *Natura sibi vias inveniat*; & ex hâc formata vera Cynosura Practica: quod *Natura ducenda sit*, quorsum vergit.

XXII.

Ubi utique prolixa adhortatione non erit opus, ut hæc monita magis secundum *genera*, aut *subalternas species*, accipiantur, atque applicentur; quàm secundum *individuales, accidentales* declinationes: nisi quod hic etiam *adversæ* & peculiares inclinationes, & ut loquuntur, *vergentiæ*, non penitus extra considerationem reponendæ sint; quæ nimirum non rarò, etiam aliquid peculiare suadent. Dum interim quàm maximopere omninò expedit atque convenit, *genericas* potius, utpote magis *essenciales* & *perpetuas*, horum generum inclinationes intelligere; utpote è quibus, & *Pathologiæ*, & *Therapiæ*, solidius fundamentum innotescit: dum è *particularibus* illis, declinationibus potius, quàm inclinationibus, longè promptius est, ut intellectus confundatur, quàm verè erudiatur, si genericas illas comprehendere prætermiserit.

XXIII.

Exhibent hujus rei documentum immortale & perpetuum, tùm *Epidemicorum* Hippocratis libri, tùm alia pleraque, quæ de *Crisibus* annotavit. Dum vix non omnes, qui quantacunque solertia annotationes has in usus suos practicos transferre susceperunt, nonnisi summam confusionem incurrerunt. Eo usquè quidem, ut dum *Criticas* tales *Eccrises*, pro *essenciali* febrium effectû aut eventu, interpretabantur; interim tam rarò has perfectè evenire deprehenderent: non solum *Ariadnæi* existimati filii, usum penitus amitterent, sed planè tandem de tota rei veritate, & Hippocratis fide, sinistrum conceptum formarent.

XXIV.

Paucissimis nempè illas rei totius conditiones agnos-

scientibus, 1) quod *Crisis nulli feбри essentialis & perpetua* fit: nempe *perfecta* atque *exquisita*. 2) Ubi autem evenit, ita ipsius Naturæ ductu atque auspiciis instruatur, ut illam *sibi relictam*, aut certè nullis *heteroclitis* seductionibus turbatam esse oporteat: 3) Et tunc demum solerter animadvertendum veniat, non solùm *quali* feбри, *certa* crisis species, veluti solennior existat: 4) sed quod etiam, uni eidemque feбри, pro diverso ejus *successu*, etiam diversæ species *negotiorum* obtingere possint: nempe vel *sinceriores*, per *liberam*, *plenam*, atque *copiosam*, evacuationem *extra totum corpus*; vel per *depulsionem* solum à partibus nobilioribus, internis, ad externas, *Parotides*, aut alias *Apostases non-Apostematodes*.

XXV.

E qua consideratione, non uti decebat, perpensa, prognatæ sunt vanæ illæ expectationes; ut in febribus, per varia medicamenta atque methodos, vel utiliter *sublevatis*, vel planè *turbatis*, idem eventus expectaretur, qui à sola natura, *sibi relictæ*, & insuper sibi *rectè constante*, expectari quidem poterat; sed nequaquam *absolutè & perpetuò* expectari debebat. Dum nempe, quoties etiam ipsa natura, *successivè* atque placidè, *detrahère* potest materiæ morbidæ vel quantitati, vel qualitati, ad criticas tales simultaneas pugnas non respectat, aut ad illas summam totius negotii reservat: Sicuti verò non illud, sed hoc agitare animadvertitur, prudentiam utique efflagitat Artificis, ne ille, ut abundè & sollicitè quidem, inculcat Hippocrates, vel intempestivè atque immaturè, vel prorsus in adversum, imò solùm diversum, moliendo, & ipse nihil boni efficiat, & meliores Naturæ intentiones adhuc insuper turbet & pessumdet.

XXVI.

Unde justissimum certè esset, ut veram scientiæ, imò conscientiæ rationem inirent illi, qui tanquam *axioma* quoddam proferunt, *cordatum Medicum non debere expectare Crises; sed Arte occupare, & febres, ante illas, veluti*
fa-

fatales ambiguos verminos, expugnare. Licet enim prius huius asserti *membrum*, dummodò rectè intellectò totò negotiò, non simpliciter reprehendendum veniat: cum utique *Crises* strictè dictæ, nulli febris *absolute essentialis* & perpetuæ sint, adeoque & eventus illarum & effectus, perpetuò ambiguus haberi mereatur: Tamen quod *secundum* membrum attinet, quamdiu non *certa & perpetua methodus, firmæ & constanti experientiae* consentanea, stabiliri potest, quæ animosas illas spes, *febres rectè atque ordine expugnandi*, in tuto collocet; manebit perpetuò in ambiguo, ne *Artifex* potius *turbet* meliores naturæ conatus, quam eosdem rectè sublevet: adeoque talis *singularis pugnae necessitas* Naturæ *subtrahat*. Quæ res profectò prudentissimè ad animum revocari, omnibus modis meretur.

XXVII.

Prælibavimus jam hac ratione atque oratione, quæ fortè videri possent ad subsequentiâ reservari potuisse; sed cum tam ad *longitudinem* Artis coërcendam, quàm ad *experimenti periculum*, & *judicii difficultatem*, pertineant, non videbimur æquis arbitris ordinem turbasse: cum præsertim æque promptum fuerit, hæc ad illa applicare, quàm ab illis demum ad anteriora referre atque revocare.

XXVIII.

Pergit Hippocrates, & *Tempus Acutum* arguit καὶρός ὁξύς inquit; καὶρός, non simpliciter & absolutè, *tempus in genere*, denotare, sed valdè usitate, peculiariter de *Opportunitate* usurpari, notissimum est. Ita etiam τὸ ὅξύ, fortè magis apud *Hippocratem*, quàm in reliquo communissimo usu, brevem temporis *periodum*, & *festinatum exitum* atque *eventum*, denotare, non valde multo magis ignotum est. Neque illud quidem ipsum, quod peculiariter *morbos acutos*, τὰ οξεία τῶν νοσημάτων, & *Febres acutas*, aliquibus quidem, & partim jam tactis locis *nominatim* distinguunt; passim autem, τὰ οξεία simpliciter nominando, hoc ipso attentionem Lectoris, si

non in ambiguo relinquit, tamen *acuat*, ut rectè expendat, quid *morbis acutis* per se, & quid *Febribus* illarum comitibus, magis propriè competat, & ad utrumlibet propriè referendum veniat, exquisitè perpendat: adeoque verum sensum illarum observationum, quas *Hippocrates* de talibus consignavit, ad optatum usum transferat.

XXIX.

Quandoquidem luce meridiana clarius est, quod apud Posterios Hippocratis, ingens confusio ex eo orta sit, quod illi τὸ ὁξὺ, *simplieiter* ad febres transferendo, quod ipse ad *morbos* potius, propriè & eminenter applicuit; ab hoc ipso errore incurrisse videntur in frustrationes illas, quas circa totum negotium *αἰσίων*, posteritatem perplexam habuisse, & alibi proluxius monuit D. D. præsides: & nos quoque, ubi de *Crisi*, sermo erit, iterum attingemus. Interim præsente locò illud valde prolixè agere, non admodum necessarium judicemus.

XXX.

Suffecerit itaque, in præsentia, illud solùm dixisse, quod etiam de hoc textu idem valeat, quod de reliquis monemus; nempe, quod ille verus sit, tam de re *in se* considerata; quàm *respectu Artis* æstimata. Nempe, quod multi, & propemodum magis fontici, morbi, tam *in se*, valde breve tempus, involvant; quàm etiam *arte*, properatum, *tempestivum*, sed etiam rectè *matuum*, auxilium flagitent. Adeoque etiam *opportunitas* illis rectè subveniendi, brevis, & quasi *præceptum* existat. Id quod ad qualemcunque considerationem *brevitatis vitæ, longitudinis Artis, periculi Experimenti, & Difficultatis Judicii*, uti magnopere quadrat: ita etiam ad harum rerum æstimationem rectè colligendam, non exiguum momentum afferat.

XXXI.

Succedit *tertium* Aphorismi monitum, *Experimentum esse periculosum*. Hoc locò tam Græca lingua, quàm Latina

ambiguitatem aliquam involvit; quam Latina quidem eximere in promptu habet, Germanica verò etiam hoc facere solet. Vocabulum πείρα, tam *tentamen*, quàm *exercitium expertæ* rei, connotare, notum est; *Latinis* non obsoletum æquè est *tentaminis* nomen: interim pariter etiam notum, quod *experiri*, & *experimentum capere* aut *facere*, tam de simplici *tentamine* dicatur, quàm de *exercitio* rei compertæ repetendo: Germani exactius distinguunt; einen Versuch, und eine Erfahrung. De *priore*, hoc loco, Hippocratem loqui, quàm maximè probabilis fit. Sicut enim verum atque solidum, constanti experientiæ superstructum, artificium, *tentaminis* nomine iniquè censeretur, ita quid in tali experimento peragendo, *periculi* subesse posset, nemo arbitrator perspexerit. *Tentamen* autem, rei esse in *ambiguo* adhuc positæ, nemo utique nesciet. Adversus pericula autem præsentia, & necessitates jam urgentes, ambigua *tentamina* opponere, rem esse periculi plenam, tanto facilius est intelligere, quanto insuper incertitudo illa tentaminum, præterquam quod proposito non satis quadrare aut satisfacere intelliguntur, etiam majore difficultate premitur, ne fortè inconditum aliquid, & negotio quod geri debet adversum, post se trahere possint.

XXXII.

Laudandus autem omninò est Hippocratis candor, qui & hic, & multis aliis in locis, quàm longè abfuerit ab animosa illa, si non plane jactabundâ, fiduciâ, de artificiorum remediorum *certitudine*, ingenuâ hâc confessione, imò admonitione, affatim testatum reliquit; unde etiam alibi manifestò profitetur, *rarò* hòc in genere *exquisitum aliquid reperiendum occurrere*. (lib. de prisca Medicina) & *laudat* adhuc *eum Medicum, qui tantum quàm minimum delinquat*.

XXXIII.

Non autem certè tam levi brachio reponenda, aut potius seponenda, est hæc *Hippocratis* admonitio, sed amicis-

simò potius complexuprehendenda, imò retinenda. Inf-
 sciorum est & imperitorum, illa audacia, qui auditas quales-
 cunque traditiones, de efficacia quorumcunque remedio-
 rum, aut, sub peculiaribus circumstantiis, experimento de-
 prehensos bonos effectus, coëcò impetu, & improvida cre-
 dulitate, ita mordicus apprehendunt, ut dum ipsi temera-
 riam fidem & fiduciam, ad generalem & universalem pote-
 statem talium remediorum, temerè extendunt, non bonâ
 solùm, sed optimâ fide egisse sibi imaginentur, si vel maxi-
 mè post hæc moneantur, aut ipsi deprehendant, quod ipsâ
 fide seu credulitate decepti sint. Quamvis enim non totam
 culpam subire videantur; non tamen semper, imprimis pro
 rei diversitate, & gravibus commissis erroribus, levis solum
 culpæ sese obstringunt, sed latæ etiam: propterea, quia in
 gravibus offensis, ignorantia non excusat, nisi invincibilis sit.
 Dolendum autem certè est, quod tot seculorum continua
 multiplex sinistra experientia, adeò non ad animos ejusmo-
 di hominum sufficientem aditum invenerit, ut potius tota
 propemodum talium turba, non solùm parata sit, Jovem la-
 pidem jurare, quod, quæcunque vel audiverunt, vel lege-
 runt, vel temerè viderunt, experimenta, solida sint & abso-
 luta: sed etiam indies exempla non deficient, ubi infelicem
 hanc credulitatem, vel in proprium suum corpus transfer-
 re, & temerariis tentaminibus, pro certis experimentis, in
 se ipsos atque suos grassari, nihil dubitent. Quorum hic
 præcipuè sit culpa, piget, & odiosum est, quiritari: Dete-
 standum autem omnino ducimus illud facinus, ubi *Mate-
 riæ Medicæ*, vel tam confusi catalogi, in omnium manus ex-
 ponuntur; vel phaleratis & magnifonis declamationibus, ita
 extenduntur atque exornantur, ut creduli, & simul teme-
 rariè ambitiosi, coëci tales Experimentatores, velut inviten-
 tur, ad nefarios suos ausus, tali fundamento superstruen-
 dum.

XXXIV.

Digna certè est altiore pensitatione, indignatio illa, quam
 non

non pauci propiorum ætatum Medici, hinc inde profitentur, adversus translationes Medicorum Practicorum Scriptorum, in vernaculam linguam; Sed ut *Silenos Alcibiadis* memorant, Icunculas fuisse, ea structura versatiles, ut una sui complicatione, ridiculum aliquid, aut obscœnum sisterent; inversô verò situ, ferium planè typum & figuram exprimerent: ita in hac etiam animadversione, illud quidem cavendum est, ne metus solùm aliquis, & invidia quasi, subsit, ne secreta Artis ad vulgus dimanent, adeoque professi Artifices vix inveniant quod agant. Sed potius illud fundamenti loco sit, ne credulitati temerariæ fomes ita luculentus subjiciatur, quò illa ad temeritatem & infelicia tentamina accendatur. Puto certè non longissimè hinc abesse, gravem illam divinæ legis execrationem, quâ publicum anathema sancitur in eum, qui cœco offendiculum posuerit in semita. Sed nostrum non est, hanc causam perorare; qui potest sapere, sapiat. Illud pro certo habemus, non ultimum esse divinæ vindictæ instrumentum, ambitiosum Artis Medicæ abusum: ut dum mortales à sui similibus auxilium cum tanta fiducia præstolantur, perniciem reportent. Quod ut à se abesse velit, quilibet cordatus Artis hujus Sectator, à divina gratia, bonam mentem ad solerter discendum atque indagandum, & felicem successum, ad legitime destinatum scopum, indefessis votis exorare laborabit.

XXXV.

Haftenus optimè inter se cohærent monita hæc Hippocratica; *Vitam hominis, ad longitudinem atque amplitudinem Artis comprehendendam, esse brevem: quia etiam tentamen, & experimenti captatio, periculum adhuc involvant.* Ut adeò longum utique sit, priusquam certitudinem aliquam experientiæ assequi atque adipisci obtingat. Pergit: *Judicium esse difficile.* Κρίσις vox, in omni reliqua applicatione, nihil ambiguitatis involvit; dum autem à medica schola usurpatur, sermonibus materiam præbet. Notissima nempe est vocis hujus applicatio, ad exitus illos & eventus Fe-

bri

brium, quibus veluti decernatur, vel morbo, vel Naturæ, Vitæ Præsidi, Victoria.

XXXVI.

Quamvis autem, uti mox dicemus, quàm maximè probabile sit, *Hippocratem* præsentē locō, de *intellectuali iudicio & discretionē*, loqui voluisse: non tamen abs re esse putamus, etiam illud attingere, quomodo hæc assertio, in sensu Medicæ scholæ proprio, vocis *κρίσις*, veritate sua non destituatur. Strictō sensu Medicō, dicitur *Crisis*, eventus ille *decretorius*, qui sub *peculiaribus*, & admodum *exquisitis*, imprimis *temporis*, circumstantiis, vel *morbi* de corpore atque vita ægri, vel *Naturæ* atque vitæ, de morbo, *victoriam*, decernit atque stabilit.

XXXVII.

Hoc certè etiam *Judicium*, disceptationis atque concertationis inter morbum & Naturam operosâ ambiguitate *difficile* esse, nemò temerè negaverit. Et tantò minus quidem, si illud satis animadverterit, *Crisin* hujusmodi non esse negotium, quod ulli *Febri*, nedum alteri cuicunque morbo, simpliciter & *absolutè directè*, & *essentialiter*, competat. Sed potius reverà *per accidens*; quando, meliore alioquin successu, non *partitis vicibus* detrahi potest hostili materiæ: tunc demum velut ultimus hic conatus, tanquam collectis in unum auxiliaribus viribus, instruatur.

XXXVIII.

Repetimus autem meritò, & quidem iterum, quod de *Crisi strictè* dicta hic loquamur. Quæ nempe ipsis *septenariis*, *confertim*, breviorē quodam impetu & *connisū*, absolven-
da intelligitur. Quamvis enim à censu *Criseos* nequaquam excludamus, & tota tribu moveamus, illa *febrilium* morborum genera, quæ absolutè *Eccrisin* efflagitant; *Variolas*, *Morbillos*: neque contumaces esse velimus adversus illos, qui *Pestem* ipsam, tanquam *per Essentiam*, *Bubones* aut *Anthracas* excludere debere, & hanc unam esse salutarem ejus
viam,

viam, arbitrantur: Videt tamen quilibet, quod hi motus excussorii, *accensi* solum haberi mereantur *Criseos*, famosò sensu sumtæ. Inter quos, & hanc *Crisin*, illa utique intercedit differentia, quod hæ elisiones, omninò *de essentia* sint illorum Affectuum; reliquæ verò *Crises*, nonnisi *secundum quid*, varii generis, proprie tamen *inflammatoriis*, febribus, *accidant* magis, & superveniant, quàm *absolutè* competant: adeò, ut si periti Censores Magistratum gererent, famosæ illæ *Crises*, his potius *accenseri* deberent; quàm vicissim.

XXXIX.

Interim hujus etiam *Criseos difficultatem*, vera ejus historia, ab *Hippocrate*, sparsim licet, tamen satis graphicè, delineata, difficultatem ejus satis comprobat; dum enim ad *septem* dies, aut *sex* potius integros, cum morbidâ materia colluctans Natura, non solum multa & assidua commotione operosâ *fatigatur*; sed etiam *sollicita, vigil, inquieta, anxia, & incerta* de eventu, lassatur: & interea, præter *internas* illas difficultates, quas refractaria ad *secedendum* atque *secer-nendum* materia, naturæ objicit, etiam *externæ, corporis* atque *animi, alterationes* intercedere, atque novas dare possunt: reapse verò, verior atque planior methodus, *successive* potius, quàm ultimo & unito impetu, melius procedere posset ac deberet: Imò tandem *Parotides*, & his analogi alii *Tumores Apostematodes*, exquisitiore *criticò* motu expulsi, non totum *morbum* atque *causam* ejus, simpliciter tollunt, sed *sedem* solum mutant; unde *retrogradis* discussionibus expositi, *periculum* adhuc foveant: imò eò prolapsi, certissimum, & vix denuò superandum, inferunt: Ex his omnibus, inquam, hanc etiam *Crisin*, verè *difficilem* habendam, nemo credo dubitabit. Hæc de *Criseos Naturæ*, ægro propriæ, difficultate.

XL.

Sicut autem probabile utique videtur, *Hippocratem*, *Aphorismo* hóc, de *artificiali & intellectuali* potius *Crisi*, usitatò vocabuli sensu, loqui voluisse, quam de tali *Medicis*

nominatâ; Ita *difficultatem* hujus vere agnosci posse, vix aliquod restat dubium. Quamvis aliorum labores, *Commentarios* in Aphorismum nostrum orfos, in subsidium prolixè advocare, nobis non placuerit; placet tamen *Galen*i ad hunc locum nota, qui etiam *difficultatem judicii*, cum *experimenti ancipiti effectû*, connectere, æquum duxit. Nempe animadvertens, quod post multa & varia in ægro tentata, *difficile* sit *judicare*, quidnam ex iis, vel profuerit morbo, vel obfuerit? Ut tamen res plenius atque distinctius consideretur, occupatur *discretivum* Artificis *judicium* de morbis, partim circa *Diagnosin*, partim circa *Prorrhesisin*, partim *Prognosin*, partim *methodum Therapeuticam* ordinandam, partim denique *experimentum Pharmaceuticam*, firmum atque ratum eligendum, & morbo feliciter adhibendum.

XLI.

Diagnoseos difficultas, maxima certè fuit, tum *antè* Hippocratis tempus, tum ipsò adhuc ejus tempore. Id quod nusquam certè satis enodata aut clarè discreta, tum *Februm*, tum plerorumque aliorum morborum *historica* descriptio, per universa *Hippocratis* volumina, satis demonstrat. Siquidem neminem attentum lectorem fallere potest, quomodo ipse *Hippocrates*, hinc inde, partim communi appellationi immorans declaret; (exemplo Febris *Φοβάδης* seu *lethifera* Lib. II. de Morb. tactæ; quam nullam aliam, quàm *cholericam*, aut *Causæden* fuisse, manca licet atque nimium brevis, qualiscunque tamen descriptio, satis ostendit: dum *Epidemicam* fuisse, nullo indicio notatur:) partim *accidentalibus* potius, *individualibus*, circumstantiis intentus, reliquam totam, vel *genericam* magis, vel quantumcunque *specificam*, indolem, non satis exequatur. Confirmat hoc ultra, *Galen*i adhuc tempore regnans *Diatritariorum* Secta; qui solùm *continuum* febrem ab *intermittente* dignoscere, ante tertii diei circuitum, non audebant. Ut de *Methodicis*, exquisitioris *diagnoseos* multò magis incuriis, nihil dicamus.

Cer-

Certè verò *Galeno*, nisi per manifestam injuriam, nemò eripere potest, promeritam laudem, quod in meliùs atque sagaciùs instruenda morborum historia, solertissime *Hippocratis* vestigiis ita institerit, ut laudatissimam divi Senis industriam, & ab hoc præmonstratam viam, studiosè sequendo atque imitando, hanc medicæ doctrinæ partem, nimìò jam locupletiozem reddiderit atque ad posteritatem transmiserit. Unde tam vulgò dicti *minores Græci*, tantò feliciores progressus fecerunt hac in parte, quàm *Arabes* etiam, ad illustrandum hoc negotium, feliciter concurrerunt.

XLII.

Sicut autem toto hoc quantumlibet studio, plus insudatum est *singulorum* morborum, ut *singulorum*, historiæ consignandæ; quam ut vel ipsorum inter se *conspiratio*, vel invicem *dependens connexio*, vel ab aliis prægressis, ad alios subsecutos nata *prædispositio*, vel ex hisce rebus progna-scens *Metaschematismus*, (præcipuè multum innitens translationi ejusdem *speciei* affectus, in alias *regiones* atque *loca* corporis,) cum sufficienti circumspectione atque attentione in subsidium adhibita fuissent: præterea etiam, non solum in *muliebri* sexu, multi affectus, confusè atque generatim, *Utero* simpliciter adscriberentur: in utroque verò (quod in fœminino, propter evidens negotium *menstruarum* exonerationum, tantò minus fallere contemplationem, debebat) *Hæmorrhagicæ dispositiones, inclinationes, congestiones*, & harum *consecutiones*, partim *stagnatoriae*, partim *spasticæ*, propterea, ut credibile est, in exiguam, si vel ullam, considerationem venirent, quod ipsæ *hæmorrhagiæ*, (perperam neglectò *Menstruum* negotiò,) pro morbo simpliciter, haberentur: Mansit certè adhuc ingens *hiatus*, in pertexenda vera morborum *historia*, & secundum hanc, *Diagnosi* è difficultatibus suis expedienda.

XLIII.

Quamvis enim tantum absit, ut negemus, aut usquam dissimulemus, ut potius magnopere commendemus, imò

inculcemus, quod, (si vel maximè quasi aliud agentes) Antecessores, nequaquam ita planè destituant hujus considerationis fundamenta, ut potius passim suppeditent ansam & materiam, quod ipsi ex instituto agere, non æquè sategerunt, adhuc tanquam per spicilegium aliquod, ex eorum monumentis colligendi: Tamen, cum ipsi viam hanc æquò gressu non calcaverint, neque præmonstraverint; ulteriore certè, & solertiore, animi adversione opus est, ad eandem complanandam, & justo incessui atque progressui sternendam. Quid autem vera atque solida *diagnosis*, tam ad luculentiorē *Ætiologiam pathologicam*, quàm melius fundatam *therapiam*, magni momenti adferat, supervacuum ducimus prolixius testatum reddere.

XLIV.

Prorrhesis Hippocratis, quamvis multa *prognostica*, illi inferuerit, ita intuemur, ut non tam *prædictionem* eventuum, quam *præceptionem* seu *præsentionem*, ut ita loqui liceat, *causarum prægressarum*, *antecedentium*, & ex parte *conjunctarum*, pro *objecto* habere, intelligi possit. Ut nempe Medicus, *Pathologiæ* atque *Præceos*, è vera *historia ortus*, & *decursus* atque *exitus*, morborum, rectè gnarus & peritus; si ipsi commemoretur, quibus symptomatibus sensibilibus, æger aliquis laboret; Medicus ita doctus, non tantum veram morbi *speciem* agnoscere possit, eique nomen plus minus usitatum assignare: sed etiam, *prægressas* ad hanc occasiones, *antecedentes dispositiones*, συζυγίας hujus cum aliis affectibus, imò in futurum adhuc *eventibus*, ita proloqui, *præfari*, & veluti *divinari* valeat, ut non opus habeat ipsorum ægrorum propria, prolixa, horum omnium aut singulorum, commemoratione aut suppeditatione.

XLV.

Declarat hanc rem ὁφθαλμοφανές, deductio illa Hippocratis, quam *Lib. II. Prorrhēt.* versus finem, sufficiente prolixitate, exhibitam, D. D. Præses peculiari Programme, Pa-

Praphraſi inſtruere , & ſuæ evidentiaæ aſſerere , inſigni uſui aptum laborem judicavit. Dum nempe, poſt *magnorum lienum* mentionem, ſucceſſivè ad *Coxendicum* dolo , res progrediens, ſuadet, ægros, tanquam *prædicendo & præſagiendo*, interrogare , atque examinare, annon ante hunc, morbum, qui nunc illosprehendit, variis *iſi allegatis* affectibus tentatos aut infeſtatos ſe fuiſſe, recordentur? Quæ, nempe pleraque omnia, ad *commotiones, inclinationes, decubitus* ſeu *congeſtiones* & tandem *contentiones, hæmorrhagicas*, (quos *apparatus hæmorrhagicas*, D.D. Præſes appellare ſolet) collineare, non difficile fuerit agnoſcere. Ubi, digniſſimam notatu aſſeverationem interponit Hippocrates : *Hæc enim omnia*, inquiens, *fatebuntur*. Quàm propè hîc abſuerit adhuc Hippocrates, à peritiſſimo atque ſolidiſſimo *nexu*, multorum talium morborum, inter ſe invicem *ſymbolizantium*, ſtabiliendo, illi intelligent, qui hanc rem ſolertiùs ad animum revocantes, non ſolum ſuo & ægrorum ſuorum, ſed publico totius Artis uſui, ſagacius, quam pro-
pemodum inde ab Hippocratis tempore uſquam adhuc factum eſſe apparet, cordi habebunt.

XLVI.

Ubi certè nemò æqvus judex, odioſum aut invidioſum declarare ſuſcipiet, in ipſo præloquio jam tactam, præpoſteram illam deprædicationem, quam aliqui de *abſoluta* Hippocratis in Arte ſalutari *perfectione*, inſtruunt. Qua nempe *tribus* omnino modis , imperitiſſimè & imprudentiſſimè hallucinantur. *Primo* , dum non ſatis perpendunt, quod ipſe *Hippocrates*, ſi has res, quantâ decet, & omnino *dignum eſt, evidentia*, penitus perſpectas , & pro dignitate intellectas, atque judicatas , poſſediſſet; quod tunc non abſolvi poſſit, ab illa culpa, quod non concinniore & exactiore deductione , negotio tanti momenti exquisitiùs tractando atque tradendo, laborem illum atque operam impenderit, quem tanto numero & prolixitati, aliorum ſuo-

rum scriptorum, (quæ ad hunc ordinem rectè instructum comparando, non possunt nisi confusionis, & rhapsodicorum fragmentorum nomine notari,) adhibuit.

XLVII.

Secundò, quod hac ratione indelebile stigma inurant, omni post Hippocratem scholarum Medicarum Posteritati; quod rem tanti ponderis & momenti, ad medicam doctrinam in veriore *Artis formam* redigendam, non solertius & prudentius applicuerint atque adhibuerint: si, quod contendunt, Hippocrates, vel hoc, vel aliis plurimis locis, *totam* hanc rem, sibi exquisitè perspectam, ita luculenter jam proposuerit, ut nullâ aliâ curâ, solertiâ, aut sagacitate, opus habuissent, quam simplici exscriptione, aut in fasciculum aliquem collectione.

XLVIII.

Tertiò verò, seipsos certissimæ culpæ ignorantia & invidia obstringunt; dum, quod Hippocratem ita jam pridem, non solum *subolsécisse*, sed ita tradidisse atque absolvisse contendunt, ut alia admonitione, commendatione, atque commentatione, nihil usquam opus esset: & tamen ipsi, plerisque harum demonstrationum, etiam cum contentione & contemptu, contradicunt. Eoque ipso, nihil verius ostendunt, quam quod nec *Hippocratem*, nec rem ipsam, intelligant. Prudentius certè undique acturi, si potius illam quàm meretur, laudem, quam æquisimam ipsi tribuimus, imò vindicamus, fervarent; quod impenso Artis instruendæ studio, nihil propemodum prætermiserit, quod ulteriore laudabilibus ejus vestigiis insistente, curâ, studio atque solertia, ad propositum ipsi primo scopum, penitus dirigi & deduci, queat & huc plurimum emolumenti omnino conferat.

XLIX.

Prognosticum judicium, negotium est, certè ab Hippocrate ita fideliter atque solerter, non magis commendatum, quàm instructum, ut, quotquot ejus Posterorum vestigiis
ejus

ejus cum cura inhæserunt, longissimè post se relinquant, omnes illos propiorum temporum Rhetores, qui partim verborum phaleris, partim speculationum alieniorum coloribus, *Ætiologias*, *physicas* magis quàm *medicas*, in infinitum extendentes, hoc Artis Medicæ decus vix non in oblivionem adduxerunt, & in pulverem sepeliverunt. Quotusquisque enim, quæso, talium, illud cordi habet, ut ultra *generalissimam*, *periculosioris*, aut *securioris* eventus, brevem recordationem, de Prognosi *strictiore*, Hippocratico sensu, instruenda, solertius instruat philiatrum? Cujus rei si nullum aliud præstò esset testimonium, illud unum abundè sufficeret, quod per portentosas illas circa *Februm Pathologiam* speculationes, jam propemodum omnis *distinctio* & *divisio Februm*, in oblivionem adducta sit: & medicationibus, phantasiæ tali comparibus, revera etiam *typi* februm, in eas perturbationes adducantur, ut fieri vix possit, ut veritas *propriæ indolis*, februm, secundum has divisiones, amplius inveniri valeat; Adeoque *difficultas* illa *judicii*, quam Hippocrates in rebus adhuc melius ordinatis, tamen arguendi justam causam invenit, his tricis atque turbis, penitus inexplicabilis reddita videatur. Unde *signa coctionis*, *signa* qualiscunque *Criseos*, discretio *periodorum Criticorum*, à *necessitate Critica*, (dum *Crisis* potius *periodum*, quàm *periodus Crisin*, *sequi* debet,) non solum à *genio februm* non animadverso, sed etiam à *turbidis* illis artificiis, communiter utique ita pervertuntur, ut mirum potius esset, si adhuc locum inveniret, his rebus tanquam fundamento superstruenda *prognosis* verax, quàm quod non superstrui possit.

L.

Quî vero aliter fieri posset, cum penitus adversa viâ hi ausus incedant, quam qua Hippocrates ambulavit. Dum enim hic, tam de *Diætâ Acutorum* præceptis, quam de *Medicatione Februm* fragmentis, & multis *prognosticorum* effatorum speciminibus, nihil constantius, atque evidentius com-

men-

mendet, imò imperet, nisi *continentiam, abstinentiam*; exactam *observationem, coctionis, & vergentiae Naturæ*: nihil temerè movendum, nihil intempestivè tentandum, nihil innovandum, nihil turbandum: sed *Naturam, quorsum vergit, ducendam*, eique subserviendum atque subveniendum. Hi ausus, ex adverso, circa omnia hæc præcepta nihil audacius agunt, & agendum præcipiunt, quàm omnia contraria: instructa insuper Panoplia talium *Pharmacorum*, quæ, licet manifestò *contrarium* exequantur ejus, quod ipsi demandasse hic illic adhuc videri volunt, tantum tamen abest, ut ab his desistant, aut abstineant, ut potius in dies, & numerum, & apparatus augeant. Sed quid juvat inutilibus, adeoque otiosis magis, quam odiosis insuper, indiciis, hæc coarguere? quæ Deo & diei unicè commendanda sunt.

LI.

Difficultas judicii in rectè instruenda *therapia*, ut fieri non potest, quin *difficultatem*, quæ veram *historiam* morborum, & consequenter etiam solidam horum *pathologicam ætiologiam* adhuc stipat, pressò pede sequatur; ita vix prolixiore demonstratione indiget. Sicut autem hoc etiam agere hucusque suscepimus, ut aliqua his rebus solamina innueremus; ita potest huic etiam *Therapeutica difficultati*, non aliunde certius levamen sperari, quam ex *supplemento* partim, partim justo *directorio*, ejusdem *historiæ* veræ morborum; & ex hac elicite *causarum συζυγίας*, & influxus earum ad effectus illos morbos inducendos. Ita tamen, ut distinctissimè, quantum usquam fieri potest, ante omnia in *Febris*, tum etiam *hæmorrhagicis* inclinationibus atque moliminibus, ratio semper habeatur eximia, illius *activitatis*, quæ ab ipsius *Naturæ vigili energia*, non solum expectari potest atque debet; sed etiam ita ante oculos habenda venit, ut omnibus modis intelligatur, imò memori mente teneatur, quod illa, utpote nequaquam emanfura, aut seponi se passura, vera sociali ope atque opera ita respicienda sit, ut, si-

sicut nihil *sine eâ* gerere, obtingit aut integrum est: ita tantò magis, ne quidquam *contra* eam, (nisi magnâ perturbatione graviter exeret,) suscipere, unquam in animum inducatur. Quibus iuterim paucis postulatis, sine dubio, quod ajunt, *bre-
vibus longa* dixisse videbimur intelligentibus: sed certè non inutilia, sed nisi quidem nos ipsos omnia fallunt, penitus necessaria.

LII.

Fecimus quidem etiam mentionem *difficultatis judi-
cii*, circa *Pharmaciam*; sed cum præter ea, quæ jam de *expe-
rimento periculoso* allegavimus, adeò nota utique sit hæc res, ut non videatur ullo proluxiore testimonio indigere: *Consilio* autem quòcunque illam sublevare, nimius circa ipsam abusus, non permittat, absit ut hòc locò tali labori nos submit-
tamus. Poterit interim sufficere, circa hoc quoque negoti-
um, pauca quædam tetigisse, quæ non parvum momentum ad hanc etiam spem afferre, experientia ipsa ostendet. *Pri-
mò* nempe, *Therapia*, modò nominatis fundamentis, nempe *indolis morborum* in ordine ad *energiam*, & cum *artis* subsi-
diis, *Synergiam*, ipsius *Naturæ* rectè superstructa, potestatem faciet rude donandi ingentem turbam, *numero* atque *specie*, *variorum* medicamentorum. Quod quidem præsidium magnopere *minuet*, *difficultatem judicii*, circa tot & tam multiplices res, alioquin vix non passim fluctuantis. *Secun-
dò* *Selectus* etiam *fidorum*, *pauciorum* remediorum, & imprimis *simpliciorum* potius, quàm inutilibus, & communissimè malè intellectis, præparationum apparatus, ad vanam spe-
ciem elaboratorum atque coacervatorum, ex altera proluxa *difficultate* explicabit; imprimis illâ, quam à *Galeno* jam no-
tatam allegavimus, ut semper in impedito sit *judicium*, quid-
nam, è multis & diversis remediis, revelâ profuerit, aut vel toti scopo, vel unius fortè melioris (uti non sine ratione cavillatur *Paracelsus*) *certiori*, efficacix, obstiterit potius, & obfuerit. *Tertiò*, ut etiam hac in parte, firmiter insistatur peritissimo *Hippocratis* monito: *Quamdiu omnia in eodem statu permanent, ex iis, quæ primò, secundum rationem, a-*

genda judicata & decreta fuerunt, nihil temerè mutandum, aut innovandum esse. Sicut enim vel ipsi hominum vulgo, familiaris illa remedium *variatio*, non iniustam suspicionem facit, quod ipse Artificis animus *fluctuet*, & incertus sit consilii, quid propriè atque proximè præsens necessitatibus satisfacere possit; si enim statim, quæ negotio rectè quadrare intelliguntur, in auxilium advocata sint, quid attinet, relictis illis ad alia confugere: Ita certum est etiam, quod in plerisque morbis, neque *plenus* atque absolutus effectus, intra *breve* temporis spatium, ab ullo remedio expectari possit; nec ipsum etiam remedium, nisi iusto concessò tempore, & ulterioribus progressibus & successibus, omnem suam energiam satis explicare queat atque perpetrare. Unde apophthegma est D.D. Præsidis; Nicht viel, nur das rechte. *Quartò*, vix autem mentione digna est, (utpote gravissime præjudicio adversa,) illa phantasia, tacta quidem jam ipso primo monito, ne *vanis titulis, promissis, atque super titutionibus*, in valde *pretiosis, Arcanis, Irradiativis, Panaceis*, frivola spes collocetur: *Metallcis, Gemmeis, Chymicis, Philosophicis, Phantasmatibus, simpliciora vegetabilia*, & sine vanitate ab inertioribus sui partibus sequestrata, fastuosè, magis quàm fastidiosè, postponantur. Quo eodem loco etiam reponimus, quam ne quidem, qui noster est candor, supponi posse optamus, *collusionem* illam Medici, cum *questu* Pharmacopolæ; ut quæ pretiò magnò emi debent, *vilioribus & euporistis* anteferenda esse, neque ipse quisquam credat, nec aliis callidè persuadeat.

LIII.

Unum adjicimus, tam ad *Therapevtici*, quam *pharmaceutici* *judicii difficultatem* sublevandam, non prætermittendum: ne videlicet bonum consilium therapevticum, & bonum remedium pharmaceuticum, quando spei conceptæ bene respondere videntur, intempestiva securitate præmaturè *destituantur*, & tanquam exantlata tota mali sentina, rudedonentur. Quæ certè *inconsiderantia*, non solum com-

pos est, quantumcunque bonum inceptum temerè *destituendi*; sed etiam novis de integro exortis turbis; nequaquam pari efficacia resistendi, uti sub *continuata* iusta methodo atque medicatione, quasi nullo negotio valuisset.

LIV.

Imò non possumus, & cum bonâ fide fieri non posset, nequaquam volumus, silentio præterire, monitum, ad *judiciũ* tam *Therapeutici*, quàm *pharmaceutici*, difficultatem, hodiernis moribus, plus quàm quisquam credere velit, tendens imò ruens cœptum seriò dissuadens; nempe, ut omni studio atque fide, *palliationes* atque *consopitiones*, insolidum evitentur. Quid in vera atque firma curationis spe atque methodo *necessitatis* habeant talia, nemò explicabit; quid *utilitatis*, nemò demonstrabit: si à perita observatione didicerit, quantum damni, promptè atque facile huic objicere possint, ejusmodi artificia. *Periodicas* certè, & *repullulare* sive ægri tudines, in illam *contumaciam* conjicere, ut ne bonæ quidem methodo atque medicationi facile amplius obsequantur, nullâ operosâ aut ambiguâ opus est observatione: Ubi interim, dùm bonis consiliis, aditum impostorum præcludunt, nec ipsa quidem mala hæc atque perfida auxilia, diu atque multum amplius promissa illa sua efficacia potiuntur. Sed satis esse poterit, sine ulteriore prolixitate hæc admonuisse.

LV.

Quemadmodum autem totò hóc *Aphorismò*, *difficultatẽ* rectè comprehendendæ *Artis Medicæ*, Hippocrates, satis disertè atque luculenter ostendit; ita, sicut hic *Judicii difficultatem* non sine causa notat: pari ratione, tanquam in *specie*, commendat Medico, *optime trutinatum Judicium* adhibere, priusquam, in ambiguis, & breves successus offerentibus negotiis, *periculosum Experimentum* capeffere & in usum trahere, suscipio. Dum hujus Sectionis Aphorismo 24. jubet Medicus *πρὸς ἐκτελεσθῆναι αὐτὰ* agere. Non, nisi prius *bene perpensa*, & maturò firmòque *judiciò*, discreta

atque decreta, in effectum deducere. Ad quem textum proinde *Galenus*, non notat solum, sed commendat penitus circumspeditionem, & *ὑλαβείαν Hippocratis*: quod optime rem hanc perceperit, & acceptam velit: nihil inquam, in ejusmodi ancipitibus negotiis, temere aut inconsiderate audendi, sed cum *præmissis exquisito judicio*, adeoque plane consulto agendi, non tam utilitatem, quam veram necessitatem. Qua de re ex instituto actum est à D. D. Præsidente, in *Diagrammate* de veræ *προεξευκρίσεως* Medicæ fundamento. Tanto magis nempe necessariare, cum *judicium* hoc recte constituere atque decernere, non *immerito* difficile quiddam, ab ipso *Hippocrate* agnoscat, adeoque nihil hic nudo casu committere sit integrum.

LVI.

Reliqua, quæ hic *Aphorismus* adhuc comprehendit, non equidem difficilia sunt intellectu; interim utique dignissima, & plane necessaria, non solum *scitu*, sed etiam prudentissimo *usu*. Unde quidem in illis prolixius occupari, superfluum ducimus; illud autem animadvertisse non denihili fuerit, quod eo ordine, quem *Hippoerates* hoc loco observat atque sequitur; tanto magis testatum reddat, quod hic proprie sermo ipsi sit, de omnibus his rebus, ut ad ipsum Medicum, ejusque debitam attentionem referendis, adeoque Medicum in primis instruendum, ut non perfunctorie consideratis atque pensatis universis his *difficultatibus*, ex iis sese recte expedire, omni studio, solertia, & seriâ trinatione, & comparatione *Potestatis Artis* ad subsidium Naturæ, adversus morbos ferendum, allabaret,

LVII.

Ita enim *Lib. 1. Epidemic.* textus secundum Linderium, § 8. ordine diverso utitur, dicens: *Ars ex tribus constat, morbo, ægro, & Medico Artis ministro*: Interim hoc ipso nihil utique in fundamento diversum infert; sed potius rem ipsam eaqdem eloquitur: dum nempe tam *Morbi*, quam *Ægri*,

mutuum inter se habitum præmittens, *Medicum* hoc ipso dirigit, ut *Artem* his rebus, rectè cognitis & perspectis, administrare, & nihil aliud, cordi habeat.

LVIII.

Quanquam autem in nostro *Aphorismo*, primò loquatur de eo, in quo *Medicus* rectè atque decenter se gerere, ita debeat; ut ad opus non aliter sese accingat, quàm secundum omnes illas memori mente benè *pensitatas, discretas.* & tandem sufficienter *decretas, difficultatum*, rectè expediendarum vias: Cum tamen mox subjungat, quod etiam ipse *Æger* ea quæ decet agentem, atque observantem, sese *παρίχει*, præstare atq; exhibere debeat: innuit illud ipsum, quod allegato textu *Epidemicorum*, optime exprimit, & omnino sancit, verbis: *Ægrum autem cum Medico adversari morbo oportet.*

LIX.

Aureo reverà monito, quod proluxiore, certe diligentiore, quam multa alia, *Commentario* commendari, omnibus modis mereretur. Quamvis enim v.g. *Vallesius*, ad hunc locum, brevibus moneat, quod *Ægrotus Medicum juvet, cum ei paret*, ut oportet: subest tamen revera consideratio adhuc longe profundior, & quæ sese valde longius porrigat, quàm *voluntaria* illa obedientia, quam *Æger Medico* præstet. Cum enim non ita rarò obtingat, ut *Æger* satis *Medico* dicto audiens, nihilominus exoptatum *Artis* effectum non assequatur; est hic fanè benè perpendenda prior illa, & profundior, non amplius voluntariæ, sed *involuntariæ*, & *homine non cogitante* seu ratiocinante, fieri atque servari debitæ, *conspirationis Naturæ* adversus morbum, cum consiliis & auxiliis *medicis*: imò *activi connisus* proprii, etiam sine *externis* auxiliis, ad depellendum atque expellendum morbum, materiam nempe, atque corruptelam morbidam.

LX.

Sicut enim hæc ipsius *Naturæ activitas*, ex eo liqui-

dò elucet, dum, ut alibi *Hippocrates* effatur, *multi ægri sine Medico sanantur*: ita dum statim subjicit: *Nemo autem sine Medicina*: & proximo loco præfatur, *Naturas ipsas esse Morborum medicatrices*: non certe solo illo sensu, qui hujusmodi commentariis arridet, concurrere; Ægrum cum Artificis præscriptis, sufficit. Sed est potius omnino opus, atque unice usus, ut Medicus rectissime intelligat, quod *vera Medicina*, ad minimum *in genere*, adversus Morbos, jam ita sit in *in naturæ Potestate*, ut Medicus eandem velut ab hac ipsa Natura *addiscere* possit, imò debeat. Certè verò nihil audere aut moliri, quod hujus non solum *exoptando*, sed nunquam etiam *negligendo*, concursui atque *Synergiæ* directe obsistat.

LXI.

Quando verò, per individua, *aberrare* à justo tramite Naturam, satis perspexerit; tunc omnino memor esse debeat maturi præfagii & *prognoseos*: & tanto majore cum studio hoc agere debeat, ut illam in viam, quoad ejus fieri poterit, reducat. Quem in finem non incommodè *subjungi* potius potuisset, quàm *præmitti*, allegato loco *Epidemicorum*, monitum illud: *Præterita discito, Præsentia cognoscito, Prædicto Futura: hæc meditator*. Certè enim de *futuris* inane fuerit præfagium, si *præsentis* Energix ipsius Naturæ, exquisita observatio, æstimatio, atque comparatio ad futuram spem, non cum cura, & τῷ μελετᾶν, instituta præcesserit.

LXII.

Ubi quidem etiam *præterita discere*, ad illud apprimè facit, quod idem *Hippocrates* allegato hoc libro primo, nisi nos omnia fallunt, notanter observat; quod imprimis illorum certior fuerit interitus ex ejusmodi Epidemicis febribus, quibus jam alia aliqua mala atque morbida constitutio, & antecedens dispositio *tabida*, in corpore præsto fuerit, dum in has febres inciderent. E quibus rebus rectè uti decet, pensitatis, fieri non poterit, quin conspiratio illa ipsius Ægri, cum illis, quæ Arte decenter administrari possunt, atque debent,

bent, non minùs intelligenda atque observanda veniat, quàm solum illud voluntarium obsequium, Artis externæ præscriptis exhibendum.

LXIII.

Rectè se etiam gerere debere, qui *Ægro assistunt*, optimè moneri ab *Hippocrate*, vix quisquam dubitabit. Quantum autem damnum ab hujusrei *pragmaticâ difficultate*, tam in *Ægri salutem*, quam *Artis existimationem*, in dies redundet, si vel mediocriter animus advertatur, nihilo magis obscurum esse potest. Fuit quidem *Hippocratis* ævo, institutum summæ utilitatis, ut ægris *adjungerentur* discipuli medici, qui illos rectè observarent, atque in officio continerent. Postquam autem luxus eò rem deduxit, ut prope modum nulli magis Medicorum opem efflagitent, quàm tales, qui corruptam vitæ rationem, quantumcunque accidere atque restringere, molestissimè ferunt; & par assistentium mollities, in proverbium adduxerit, *Medice vivere, esse pessime vivere*: quamvis tandem intempestiva illa astutia, clam Medicum, omnia potius alia, quam quæ Medicus injunxerit, agitandi, tandem in ægri damnum & perniciem exeat: tamen nihilo etiam minus notorium est, quod ex hujusmodi intemperantia, per Assistentium indulgentiam, si quid aliud, sustentata, rebus malè cedentibus, in Artis & Artificis opprobrium flectatur. Unde profectò prudentia hic opus est, ut Medicus & ægro, & sibi atque Arti, rectè prospiciat.

LXIV.

Ultimo loco requirit *Hippocrates*, & commendat, ut etiam convenienter se habeant atque gerant, aut habeantur, τὰ ἐξ ὧν quæ *ab extrâ, extrinsecus*, corpori ingruunt, obtinunt, & contingunt. Non opus erit harum rerum catalogum texere, prolixum alias facile eventurum; suffecerit dixisse, quod illa talia sint, quæ vel *materialiter, mediate aut immediate*, corpus notabiliter alterare valeant: vel *motibus vitalibus, concitandis, aut regendis*, insignem alterationem conciliare possint. Quæ partim è rerum *non-naturalium* censu sunt; partim autem à *voluntario* regimine ægrorum pendent. Utroque modo, vel *sensibiliter, vel insensibiliter*, corpus alterare idonea. Ubi *aër, cibus & potus, sonnus & vigilia, motus & quies, excretiones*, & tandem *animi pathemata* (quibus *consuetudinem*, imprimis ut *jucundi aut aduersi* annumerare æquam censemus,) regnum suum habent.

LXV.

Sicut autem circa has res, rectè judicandas, ordinandas, atque circum-
scribendas, certè non parva requiritur, tam *scientia*, quam *prudèntia*; quod
quidem enucleare, neque tam brevis, nec interim tam arduum, adeoque
necessarium, fuerit cœptum: ita omisso potius hœc labore, suffecerit, so-
lum illud, pro commendatione ejus, tetigisse, quod certè *Hippocratis*, non
sine justa causa, præsentè *Aphorismo*, etiam illam circumspèctionem medico
commendet, ut non negligens esse inducat in animum, harum rerum re-
ctè observandarum: sed omnino, juxta effatum hoc Hippocraticum Apho-
risticum, memor, imò certus, sit, *non sufficere*, ut *Medicus*, quæ simpliciter
artis sunt, quantumlibet rectè atque ordine, agat & suppeditet; imò nec il-
lud quidem insuper, ut *ager*, vel sponte Naturæ, vel voluntate obsequiosa,
morbo suo invigilet: tum etiam *Assistentes* officio suo non desint, aut per-
peram illo utantur: nisi simul, quæ ab accidentalibus hujusmodi altera-
tionibus evenire possunt, vel ita se habeant, vel ita observentur, præoccu-
pentur, aut corrigantur, ne illa denuò non satis prævisas turbas objiciant,
& periculosâ Antipraxi, reliquis utilibus conaminibus, remoras objiciant.

LXVI. Unde cuivis, tam ad *Diagnosin* accidnetalium difficultatem, quàm
ad *Prognosin*, magnum momentum adferent, observationes, constitutionis
atque mutationis *tempestatum*, *locorum habitationum*; *Cibi & Potus*, vel a-
liàs consueti, vel mutati; imò, sub morbis, ne quidem magnoperè exigendi
aut cogendi *appetitus*, sed potius servandæ tenuioris diætæ: *motuum vo-*
luntariorum, præsertim in febribus continuis, non metuendæ *remissionis*:
vigiliarum, non imperiosis artificiis arcendarum curæ: *Excretionum* ve-
rò prudentissimæ æstimationis, ne insolitæ, sed tamen præsentì consti-
tutioni subservientes, simpliciter *sistendæ* aut *cobibendæ*, aut alieniores vel
alieniore tempore, præsertim fortius, *concitandæ*, judicentur. Quis au-
tem *Animi Pathematibus* modus, debeat aut possit statui, quæstio certè est
non ita facilè decernenda. Quicquid ejus, citra *securitatem* atque *negli-*
gentiam ægri, ad reliquam bonam spem atque *fiduciam*, adeoque *tranquil-*
litatem, reduci valet, habebit utique semper certissimum, nec exiguum
quidem ut plurimum, usum: evitando & *curarum*, & *cogitationum*, *inqui-*
tudines, & *metus* atque *trepidationes*, & *iracundiam* atque *indignationem*:
tum etiam, à valde *spirituosis* remediis, *inebriatiuam*, aut *vertiginosam* at-
que *fumosam* (valde *odoriferorum*,) efficaciam &c.

Atque hæc sunt, quæ occasione *Aphorismi* nostri proponere visum
est; si non simplici disertarum *Thesium*, tamen justorum *Porismatum*, or-
dine: pauca, neque parva, neque plane protrita, complectuntur: ita scopo
nostro atque voto satisfactum erit, si ante omnia *speciminis Publici* locum
tueantur, & communi etiam utilitati, circa Artis non postrema momenta,
quadrent. Unde DEO pro præstita nobis gratia, & largissima benedi-
ctione, laudem & gratias, & humillima vota, consecramus.

S. D. G.